

四庫全書

史部

欽定四庫全書

海塘錄卷二十四

內閣中書翟均廉撰

藝文七

五言律詩

與顏錢塘登樟樓

一作樟亭

望潮作

唐

孟浩然

百里聞雷震鳴弦暫輟彈  
府中連騎出江上待潮觀照  
日秋雲迴浮天渤澥寬  
驚濤來似雪一望凜生寒

與白明府遊江

唐 孟浩然

故人來自遠，邑宰復初臨。  
執手恨為別，同舟無異心。  
沿洄洲渚趣，演漾絃歌音。  
誰識躬耕者，年年梁甫吟。

秋登張明府海亭

唐 孟浩然

海亭秋日望委曲，見江山染翰聊題壁。  
傾壺一解顏，歌逢彭澤令。  
歸賞故園間，予亦將琴史。  
棲遲共取閒。

送金昌宗歸錢塘

唐 劉長卿

新家浙江上，獨泛落潮歸。  
秋水照華髮，涼風生褐衣。  
柴

門嘶馬少藜杖拜人稀惟有陶潛柳蕭條對掩扉

酬張夏別後道中見寄

唐劉長卿

離羣方歲晏謫官在天涯暮雪同行少寒潮欲上遲海  
鷗知更傲沙鶴見人衰只畏生秋草西歸亦未期

賦得海邊樹

唐皇甫冉

歷歷綠荒岸冥冥入遠天每同沙草發長共水雲連搖  
落潮風早離披海雨偏故傷遊子意多在客舟前

酬王侍御西陵渡見寄

唐嚴維

前年萬里別昨日一封書郢曲西陵渡秦官使者車柳  
塘薰晝日花水溢春渠若不嫌雞黍先令掃敝廬

富陽南樓望浙江風起

唐張南史

南樓渚風起樹杪見滄波稍覺征帆上蕭蕭暮雨多沙  
洲殊未極雲水更相和欲問任公子垂綸意若何

江城夜泊寄所思

唐權德輿

客程殊未極艤櫂泊迴塘水宿知寒早愁眠覺夜長遠  
鐘和暗杵曙月照晴霜此夕相思意搖搖不暫忘

經杭州

唐  
顧非熊

郡郭遶江濱人家近白雲  
晚濤臨檻看夜艣隔城聞  
浦轉山初盡虹斜雨未分  
有誰知我意心緒逐鷗羣

送杭州姚員外

唐  
顧非熊

浙江江上郡楊柳到時春  
塹起背城雁帆分向海人  
嶠雲侵寺吐汀月隔樓新  
靜裏更何事還應詠白蘋

晚秋江上作

唐  
張祐

萬里窮秋客蕭條對落暉  
煙霞山鳥散風雨廟神歸  
地

遠蛩聲切天長雁影稀那堪正枯杵幽思想寒衣

江城晚眺

唐張祐

重檻構雲端江城四鬱盤河流出郭靜山色對樓寒浪  
草侵天白霜林映日丹悠然此江思樹杪幾檣竿

看潮

唐朱慶餘

不知來遠近但見白蒺蒺風雨驅寒玉魚龍迸上波聲  
長勢未盡曉去夕還過要路橫天塹其如造化何

送姚合郎中任杭州

唐許渾

水陸中分程看花一月行會稽山隔浪天竺樹連城候  
吏齋魚印迎船載旆旌渡江春始半列嶼草初生

送姚杭州

唐賈島

白雲峰下城日夕白雲生人老江波釣田侵海樹耕吳  
山鐘入越蓮葉吹搖旌詩異石門思濤來向越迎

送顧陶校書歸錢塘

唐儲嗣宗

清苦月偏知南歸瘦馬遲橐輕緣換酒髮白為吟詩水  
色西陵渡松聲伍相祠聖朝思直諫不是掛冠時

發浙江

唐喻坦之

島嶼遍含烟烟中濟大川山城猶轉漏沙浦已搖船海  
曙霞浮日江遙水合天此時空濶思翻想涉窮邊

渡浙江

唐陳珣

適越一輕艘凌兢截鷺濤曙光金海近晴雪玉峰高靜  
寇思投筆傷時欲釣鼉壯心殊未展登涉漫勞勞

秋過錢塘江

唐僧貫休

巨浸東隅極山吞大野平因知吳相恨不盡海濤聲黑

氣騰蛟窟秋雲入戰城遊人千萬里過此白髭生

秋日錢塘作

唐僧齊己

秋光臨水國遊子倚長亭海浸全吳白山澄百越青英  
雄貴黎庶封土絕精靈勾踐魂如在應懸戰血腥

浙江晚渡

唐僧齊己

去年曾到此久立滯前程歧路時難處風濤晚未平汀  
蟬含老韻岸荻簇枯聲莫泥關河險多遊自遠行

酬皇甫冉西陵渡見寄

唐釋靈一

西陵潮信滿，島嶼入中流。  
越客依風水，相思南渡頭。  
寒光生極浦，暮雨映滄洲。  
何事揚帆去，空驚江上鷗。

江樓晴望

宋 曾 交

江干一雨收，霽色染新愁。  
遠水碧千里，夕陽紅半樓。  
笛寒漁浦晚，山翠海門秋。  
更待牛津月，袁宏欲泛舟。

錢塘江上

宋 楊 蟠

一氣連江色，寥寥萬古清。  
客心兼浪湧，時事與潮生。  
路轉青山出，沙空白鳥行。  
幾年滄海夢，嗟罷獨含情。

三月晦城門晚景

宋 張九成

雨漲春江浪沄沄日夜奔羣山落雲裏萬壑吼巖根沙  
際人呼渡烟中牧入村蕭然何處士終日揜柴門

三月二十四日出城

宋 張九成

數日雨不止今晨晴已還江頭看濁浪窻外見青山白  
鷺投前浦輕舟漾遠灘樽中有餘酒一酌注頽顏

浙江十六夜對月

宋 鄭克己

急檠寒天濶長江得月遲最憐新缺後全勝未圓時夜

雪潮千丈秋風桂一枝潛蛟易翻動怨笛莫驚吹

江上

宋 王庭珪

倚杖江風起呼船水面開人從洲觜渡帆破浪頭來月  
色共千里天恩徧九垓當年送客處待看客車回

登浙江樓

宋 趙興滂

兩岸共明月闌干霄漢間風波浙江水砥柱海門山晝  
夜潮消長利名人往還不如沙上鷺玉立一身閒

錢塘江

宋 朱繼芳

極浦無高樹滄茫只遠空潮來江水黑日出海門紅兩  
岸東西浙千帆來去風中原山色外殘夢逐歸鴻

渡錢塘

宋 高九萬

山立晴江上潮生落照邊晚花低映水春草暗迷烟燕  
子飛官驛鷗羣引客船關情南浦別相對獨依然

秋日錢塘紀事

元 方 瀾

吳越南去遠萬峰青照杭江流拍岸濶海氣入城涼落  
日菰蒲暗行人禾黍香天開地闢後知歷幾興亡

觀潮

元 張志道

山從天目下潮到富陽回此地扁舟去吾生幾度來林  
紅晚日落江白曉雲開明日須停棹呼兒看釣臺

鎮海亭

元 仇遠

海塘三十里此屋獨巍然有浪方知水無雲總是天苔  
痕封戶柱帆影下樓船閒憶童男女悠悠去幾年

浙江曉渡

元 金涓

片帆風力飽涼氣碧颼颼江濶欲沉雁天空惟見秋漁

歌聞四起人影在中流隔望秦峰出東南第一洲

早發錢塘

元趙志皋

曉霧兼天白秋風一葦輕湖吞漁浦濶沙湧固陵平隔  
座吳山送揚帆越嶠迎蒼茫思無限天外忽鐘聲

還浙夜泊江口

明陳束

越嶂宜春望江舸入夜乘潮移諸島出雲卷數峰層近  
郭翻多戀還家獨未能北堂今夕夢先已渡西陵

錢塘雨泊

明郭第

一片迎潮雨錢塘拍岸逢煙明六和塔雲暗兩高峰茶  
熟篷窗火香殘野寺鐘湖頭舊遊路濕翠想高松

江村晚眺

明 高應冕

荒村沈夕照煙樹幾人家野渡迎潮急寒山帶月斜漁  
歸無遠市雁下有平沙寂寂秋江晚芙蓉自落花

江上別黎惟敬

明 卓明卿

執手河橋上遙天起片雲仙帆千里發客路一江分桂  
嶺先秋色樟亭半夕曛家山到何日兩地惜離羣

晚霽與客登浩然樓眺錢塘江

明 戎 玠

晴色開村樹危樓俯大江潮聲翻絕岸帆影落虛窻水  
與遙天合人同夕鳥雙茫茫百端集形影若為降

同朱文寧庶常觀海

明 潘大復

烟波杳無極縱目喜同君雲外千峯出潮平各浦分競  
探蝴蝶窟驚起鷺鴛羣浮白宜茲地蕭蕭日就曛

十五夜至江上作

明 胡 介

夜是中秋夜船隨估客船塔凌青漢迴月湧大江圓節

序消行旅關山入暮年故園猶在望獨立轉茫然

初過錢塘

明張宇

越上曾遊地年深感寂寥山光隨浦盡海色共天遙古  
刹藏秋樹寒江送暮潮故人渾不見愁緒酒難消

題鎮海樓

明釋德祥

斯樓屢易名一上一傷情白屋多為戍青山半作城雨  
中春樹出風裏晚潮生亦有歸鴉早閒啼四五聲

錢塘江遇雨

明劉理順

微雨來江上濛濛曉未收故園千里隔客夢一身浮烏  
桤家家樹魚榔岸岸舟觀濤無不可須上幾重樓

江潮

明張瀚

江盡遙連海東來白浪生雪移天際色雷撼地中聲射  
弩功非偶浮鷗恨未平風波一過眼徒有濟川情

鹽官望海

明黃巖

出自東門望茫茫渤海空三山盡縹緲一氣總鴻濛潮  
影連雲白波光射日紅獨憐浮海客吾道豈終窮

錢塘樓宴坐觀濤

明 鄭善夫

錢王此開濟旋入宋山河潮汐秋來壯雷霆水上多尚  
傳江有怒翻恨海無波颯颯攢陵樹悲風日夜過

國朝

西陵夜渡

何維楨

日落潮聲遠微明兩岸燈陰雲迷北極風雨渡西  
陵綠水漁舟泛青山蠟屐登惠連詩句好今日更  
誰能

江雨

沈寧

一望知何處茫茫咫尺愁烟深迷遠樹波細浴輕  
鷗孤嶼連雲濕長天接水浮明朝風日好酬酒別

江頭

錢塘江行雜詩

周茂源

塵夢空江淨天風不厭喧櫓柔輕白浪山妙領黃  
昏多難扁舟得當心畫角屯倦飛真一笑歸鳥遍  
遙村霸業消烟水潮荒萬弩風片颿殘照下孤月

亂流中歸馬方嘶北征鴻日向東喜聞金革定丹  
壑縱衰翁客路逢霜降離愁入夜紛人還吳苑雪  
夢駐越溪雲燈火衣香見江山戍柝聞何時操作  
罷同釣五湖濱

江上詠

李 炳

錢塘風色好迢遞縱登臨潮怒蛟龍起峰高烏雀  
深青山隨客路碧水照人心莫為悲行役詩懷自  
不禁

題宋人江泊圖

李肇亨

愛見江邊樹蕭疎落照前遠峰分霽色小塢共寒  
烟雁跡留沙渚猿聲到客船十年湖海夢今日倍  
依然

江行

龔翰

江上舟偏小山隨左右看樹根棲怒石帆影壓危  
灘水勢天逾濶風聲人未寒可知篙櫓外今古一  
波瀾

舟發錢塘看嚴陵一帶山水

楊思聖

泛泛嚴陵棹無山不水源  
行人聽石瀨舟子報潮痕  
岸斷深藏路峯迴遠認村  
挂檣風正利漁唱不聞喧

雨發江干

查慎行

晶晶江光去昏昏海氣連雲沈  
離岸樹風漲落潮天熟路便孤客  
輕裝稱小船十年遊跡在重檢舊  
詩篇

錢江晚望

王錫

我愛錢塘晚遊行興未闌雲帆歸浦外海月吐林  
端木落蟬聲苦江空雁陣寒采菱何處女唱出荻  
花灘

觀潮

王錫

風激滄溟立驚濤拍翠巖朝昏存大信天地豁奇  
觀皦日雷頻作秋江雪早寒賈帆收欲盡千里水  
瀾漫

錢塘觀潮

王錫

江皋雨初霽遙見海門開乍喜羣鷗泛俄驚萬馬  
來秋聲連遠樹雪片灑層臺願遣狂瀾息長懷砥  
柱才

渡錢塘

劉正誼

遊子辭鄉邑晴江穩放舟布帆雙櫓健落日大江  
浮雲樹牽新恨波濤壯古愁回頭莫漫看吳越判  
中流

登吳山望錢塘江

宋 至

不淺登臨興春烟喜乍收山川總佳麗竹樹亦清  
幽紅寺隨風轉青尊盡日留只今吳越恨同作一  
江流

海門望海

劉廷璣

極目浩無際風潮頻往回乾坤何處盡日月此中  
來美玉文魴孕明珠老蚌胎太平傳盛事重譯到  
天台

晚發江干

厲鶚

落日挂帆去，背人飛鶴鶩。  
風烟秋半淨，江水晚來流。  
波漁浦山爭出，樟亭樹忽過。  
尋源意飄蕩，一聽越鄉歌。

江皋夜宿

張芳

夜宿江皋寺，天寒尚有霜。  
林空生海日，高枕夢羲皇。  
有恨花重發，無人草獨芳。  
不如漁父好，終老在滄浪。

登吳山伍公臺望江

張芳

空翠渺無際潮聲下百川樓臺分井邑鐘磬出諸  
天雉堞層巒迴江雲斷岸連丁仙遺跡在相與說  
桑田

七言律詩

九日宴浙江西亭

唐錢起

詩人九日憐芳菊延客高齋宴浙江漁浦浪花搖素壁  
西陵樹色入秋窻木奴向熟懸金實桑落新開瀉玉缸

四子醉時爭講習笑論黃霸舊為邦

送章孝標校書歸杭州因寄白舍人

唐  
楊巨源

曾過靈隱江邊寺獨宿東樓看海門  
潮色銀河鋪碧落日光金柱出紅盆  
不妨公事資高卧無限詩情要細論  
若訪郡人徐孺子應須騎馬到沙邨

重夸州宅旦暮景色兼酬前篇末句

唐  
元稹

仙都難畫亦難書暫合登臨不合居繞郭烟嵐新雨後  
滿山樓閣上燈初人聲曉動山門闢湖色宵涵萬象虛  
為問西州羅刹岸濤頭衝突近何如

微之重夸州居其落句有西州羅刹之謔因嘲茲

石聊以寄懷

唐白居易

君問西州城下事醉中疊紙為君書嵌空石面標羅刹  
壓捺潮頭敵子胥神鬼曾鞭猶不動波濤雖打欲何如  
誰知太守心相似抵滯堅頑兩有餘

杭州春望

唐白居易

望海樓明照曙霞

城東名樓望海樓

護江堤白蹋晴沙濤聲夜

入伍員廟柳色春藏蘇小家紅袖纖綾誇柿蒂青旗沽  
酒趁梨花誰開湖市西南路草綠羣腰一道斜

江樓夕望招客

唐白居易

海天東望夕茫茫山勢川形濶復長燈火萬家城四畔  
星河一道水中央風吹古木晴天雨月照平沙夏夜霜  
能就江樓銷暑否比君茆舍較清涼

江樓晚眺景物鮮奇吟翫成篇寄水部張員外

唐  
白居易

澹烟疎雨間斜陽江色澄鮮海氣涼  
蜃散雲收破樓閣虹殘水照斷橋梁  
風翻白浪花千片雁點青天字一行  
好著丹青圖畫取題詩寄與水曹郎

元微之除浙東觀察使喜得杭越鄰州先贈長句

唐  
白居易

稽山鏡水歡遊地犀帶金章榮貴身  
官職比君雖校小

封疆與我且為鄰  
郡樓對翫千峯月  
江界平分兩岸春  
杭越風光詩酒主  
相看更合與何人

欲到西陵寄王行周

唐李紳

西陵沙岸回流急

西陵渡在蕭山縣西二十里  
錢王以陵非吉語改曰西興船底黏

沙去岸遙驛史遞呼催下纜  
掉郎閒立道齊橈猶瞻伍

相青山廟

盧大輔伍子胥祠名曰漢  
史胥山今名青山謬也

未見雙童白鶴橋

欲責舟人無次第  
自知貪酒過春潮

觀潮

唐朱慶餘

木落霜飛天地清  
空江百里見潮生  
鮮飈出海魚龍氣  
晴雪噴山雷鼓聲  
雲日半陰川漸滿  
客帆皆過浪難平  
高樓曉望無窮意  
丹葉黃花繞郡城

贈杭州嚴使君

唐  
章孝標

州青縣白浙河濱  
飽向蒼龍闕下聞  
鼓角自嚴寒海月  
旌旗不動濕江雲  
風騷處處文章主  
井邑家家父母君  
長恐抱轅留不住  
九天鴛鴦待成羣

送劉郎中牧杭州

唐  
薛逢

一州橫制浙江灣臺榭參差積翠間樓下潮回滄海浪  
枕邊雲起剡溪山吳江水色連堤濶越俗春聲隔岸還  
聖代牧人無遠近好將能事濟清閒

贈所知

唐  
許渾

因釣鱸魚住浙河挂帆千里亦相過茆檐夜醉平階月  
蘭棹春歸拍岸波湖日似陰鼉鼓響海雲纔起蜃樓多  
明時又作閒居賦誰薦東門策四科

浙江晚渡懷古

唐  
劉滄

蟬噪秋風滿古隄  
荻花寒渡思萋萋  
潮聲歸海鳥初下  
草色連江人自迷  
碧落晴分平楚外  
青山晚出穆陵西  
此來一見垂綸者  
卻憶舊居明月溪

錢塘江潮

唐羅隱

怒聲洶洶勢悠悠  
羅剎江邊地欲浮  
漫道往來存大信  
也知反覆向平流  
狂拋巨浸疑傾底  
猛過西陵只有頭  
畢竟朝昏誰主掌  
好騎鯨鯢問陽侯

武林即事寄程給事

宋趙抃

七十隨緣豈有由樂天曾不厭杭州青山未隱如千里  
白首重來又九秋月窟仙人遺桂子海門神物助潮頭  
自慚老守無心力坐鎮吾民靜即休

送人遊杭

宋 石延年

激激霜風吹黑貂男兒醉別氣颼颼五湖載酒期吳客  
六代詩成倍楚橋水樹漸青含晚意江雲初白向昏嬌  
前秋亦擬錢塘去共看龍山八月潮

錢塘江潮

宋 徐積

獨派豈從天漢墜千濤爭赴海波還齊聲怒過轟雷鼓  
亂沫噴來碎玉山塵土拓開心目外冰霜留在骨毛間  
君看江上潮平候恰似魚龍戰鬥閒

滄溟幾道入江淮此獨奇哉復怪哉風雨初隨霜練起  
雷霆俄送雪山來豈無海物齊驅過亦似神兵合陣迴  
君向西湖亭上看杭州不信有塵埃

和浙江觀潮

宋 蔡 襄

地卷天回出海東人間何事可爭雄千年浪說鴟夷怒

一信全疑渤海空  
寂靜最宜聞  
夜枕崢嶸須待駕  
秋風尋思物理真  
難測  
隨月虧圓亦未通

紹聖二年八月十八日觀潮浙江亭

宋  
米芾

怒勢豪聲迸海門  
州人傳是子胥魂  
天排雲陣千雷震  
地卷銀山萬馬奔  
高與月輪參朔望  
信如壺漏報朝昏  
吳爭越戰成何事  
一曲漁歌過遠村

觀潮

宋  
齊唐

何意滔天苦作威，狂驅海若走馮夷。  
因看平地波翻起，知是滄浪鼎沸時。  
初似長平萬瓦震，怒如員嶠六鼇移。  
直應待得澄如練，會有安流往濟時。

浙江有感

宋王回

候潮門外浙江西，曾憶浮舟自此歸。  
萬古波濤今日是，一身蹤跡昔人非。  
愁侵壯齒頭先白，淚入秋風眼易眵。  
日暮徬徨不能去，連堤疎柳更依依。

次韻天官韓尚書七月十八日風雨中觀潮予內

直不赴

宋周必大

禁直惟聞漏鼓催潮聲遙聽訝蚊雷忽傳傑句天邊得  
如對洪濤海上來大筆直能扶急雨小才何敢助涓埃  
古今奇觀須秋半好句重銜伯雅杯

海潮圖

宋樓鑰

錢塘佳月照青霄壯觀仍看半夜潮每恨形容無健筆  
誰知收拾在生綃蕩搖直恐三山沒咫尺真成萬里遙  
金闕岩堯天尺五海王自合日來朝

錢塘懷古

宋 汪斗建

江上城低烟樹紅  
江潮西去幾時東  
吳宮花草隨春暮  
禹會樓臺入夢空  
萬里孤雲留夕照  
千年遺恨訴秋風  
鳳凰飛去無消息  
漠漠遙岑烟雨中

海潮

宋 賀方回

高岸如陵累石頑  
一枝橫海亘中間  
九軍雷鼓震玉壘  
萬里黑雲驅雪山  
秦政維舟羞膽怯  
史遷舐筆恨才慳  
錢郎幾許英雄氣  
強弩三千擬射還

過六和塔前江亭小憩

宋陸游

斷岸孤亭日暮時，欄邊聊試葛巾歌。  
偶觀挂席乘潮快，便覺懸車納祿遲。  
痛飲相如無奈渴，清言叔寶不能羸。  
年來親友凋零盡，惟有江山是舊知。

浙江晚眺

元馬臻

昔年吳越事并吞，留得青山只斷魂。  
落日正明漁浦渡，歸鴉遙點范家村。  
雲分雨脚回沙溆，帆趁潮頭出海門。  
欲問淒涼千古意，鷓鴣夷何處有兒孫。

次韻孟天暉郎中看潮四首

元陳基

千古英雄恨未銷，海風吹上浙江潮。  
怒驅貔虎誰能敵，雄壓鯤鯢不敢驕。  
踏浪掀旂空遠遶，臨流投袂若為招。  
扁舟浩蕩身先進，輸與陶漁共採樵。

雪湧潮頭萬疊多，秋風颭鬣吼靈鼉。  
真疑碧海金鰲擲，復恐陰山鉄騎過。  
勾踐功名今寂寞，麻姑消息近如何。  
憑君更闡神明力，翻却蓬萊弱水波。

千古東南說海潮，摩挲強弩未全消。  
氣乘日月分盈縮，

聲振山河欲動搖擊楫中流歌慷慨倚闌斜日鬢廳蕭  
錢塘官酒秋仍綠更與靈胥酹一瓢

風起城南思慘悽獨攜長劍倚長堤未談秋水驚河伯  
先跨江濤掣海鯢力障狂瀾扶砥柱手揮妖祲豁坤倪  
東流不盡憑欄倚長笑歸來日已西

次韻魯參政觀潮

元柳貫

怒濤捲雪過樟亭人立秋風酒旆青日轂行天淪左界  
地機激水出東溟倒排山嶽窮千變闔闢雷雲竦百靈

望海梅頭追勝賞坐中賓客弁如星

風陣先驅入坐間雪濤千疊湧如山太陰成魄清秋正  
元氣流行大信還絳額青綃方戰罷素車白馬自神闌  
歸墟咫尺蓬萊島斜日將西認髻鬟

杭州風雨中簡子昂

元  
戴表元

五月錢塘風雨秋懷人頻倚面山樓雲收樹色遙成海  
水學江聲暗入溝一斗盡輸無事飲千金不買解寒裘  
自憐寂寞無元學車馬門前過似流

觀潮

元 楊 載

潮頭初起壯何如如阜如岡乍有無高浪驚天龍出沒  
疾風吹樹鳥謹呼陰陽莫測機先軋朝夕初生信不渝  
海若向來誇水德已應傾倒盡歸墟

望海

元 楊 載

海門東望浩漫漫風颭無時縱惡湍黑霧漲天陰氣盛  
滄波銜日曉光寒豈無方士求靈藥亦有幽人把釣竿  
搖蕩星槎如可馭別離塵土亦何難

送戴尊師入越

元楊載

躍馬年年塞北道  
春風此日送歸舟  
山中樹老飛玄鶴  
江上莎長卧白鷗  
欲與謝公同隱逸  
肯容賀老獨風流  
山陰道士如相見  
沽取邨醪醉未休

次韻方子踐觀潮

元黃潛

潮生潮落有時休  
朝莫吳兒幾白頭  
被髮祇誇迎駭浪  
側身寧解障奔流  
江吹碧瓦人聲曉  
雲閃朱旗海氣秋  
後夜月明天在水  
有誰能此試登樓

題觀海圖

元黃潛

昔年解纜岑江上，初日團團水底紅。  
黿吼忽搖千尺浪，鷗飛仍挾半帆風。  
遙看島嶼如星散，祇謂神仙有路通。  
及此棲身萬人海，舊遊却在畫圖中。

和顧仁甫觀潮

元朱德潤

候潮翻雪響瀧瀧，砥柱中流勢激撞。  
豈有明璫遺洛浦，欲投圓壁誓長江。  
雲濤雜沓蜃樓起，海嶠微茫雁字雙。  
莫訝伍胥遺恨在，越山南去未成降。

客杭九日別柳道傳黃晉卿出飲江頭陳氏樓客

雜甚

元  
吳師道

黃菊開時酒價廉  
晚聲沙市簇青帘  
不堪衣袂猶為客  
偶上樓頭試卷簾  
良友相逢還易別  
老兵對飲且無嫌  
西風放棹龍山去  
何必踈狂脫帽簷

錢塘懷古率堵無傲同賦

元  
楊維禎

天山乳鳳飛來小  
南渡衣冠又六朝  
劫火自焚楊璉塔  
箭鋒猶抵伍胥潮  
燐光夜附山精出  
龍氣秋隨海霧消

惟有宮人斜畔月多情還自照吹簫

發舟錢塘

元 李孝光

五年羈客留荆楚今日江頭把繡衣  
鴻雁夜飛天氣白蛟龍畫蟄水妖微  
彈冠終坐王陽起敝褐何年季子歸  
一舸南遊真勝事幽期未與故人違

次韻段推官觀潮

元 張 雨

雲濤捲入白螺杯雲夢吞將灩澦堆  
陳馬直從天漢落颶風先自海門來  
青山一向開銀壁黃繖中央立露臺

好在畫圖留壯觀江頭白首不堪回

錢塘潮

元馬祖常

石橋西畔竹棚斜閒日浮舟閱歲華金鑿懸崖開佛國  
玉分飛瀑過人家風枝鶴下春鳴埵雨樹猿啼暝蹋花  
欲賃茭田來此住東南更望赤城霞

渡錢塘江

元周棐

日出長江煙霧開越山吳樹抱江迴霸圖縱跡空今古  
天塹東南有劫灰山郭雨昏雲似墨海門潮急浪如雷

舟師省校須看客不數瞿塘艷瀕堆

錢塘觀潮

元 仇遠

一痕初見海門生頃刻長驅作怒聲萬馬突圍天鼓碎  
六鼇翻背雪山傾遠朝魏闕心猶在直上嚴灘勢始平  
寄語吳兒休踏浪天吳象罔正縱橫

己卯冬書江頭段家樓

元 何景福

問酒江頭解黑貂朔風吹面冷蕭蕭雲黏海樹天浮雨  
土屑鹽花水不潮錢氏箭埋金鏃壯張侯祠鎮石塘遙

吟邊多少興亡事  
猛拍闌干恨未消

登子胥廟因觀錢塘江潮

元方行

吳越中分兩岸開  
怒濤千古響奔雷  
子胥不作忠臣死  
勾踐終非霸主才  
歲月消磨人自老  
江山壯麗我重來  
鴟夷鉄箭俱安在  
目斷洪波萬里回

東海朝暾

元凌雲翰

紺霧彤霞爛不收  
海門東望浪花浮  
超騰渤澥三千里  
照耀閭浮四百州  
暘谷飛鳥看翕赭  
高岡鳴鳳自優游

近來誰作賓王句試與重吟鷺嶺樓

八月望日登樓觀潮

元錢惟善

白馬濤頭駕素車至今猶是詫靈胥千年元氣淋漓後  
八月長風震盪初顧兔盈虛端不爽神龍變化竟如何  
須臾落日明江練東逝滔滔泄尾閭

錢塘懷古次高則誠韻

元張天英

錢塘潮上海門深千古靈胥恨未平北斗文星常黯黯  
內園宮樹尚陰陰承華殿冷西人語太乙壇空上帝臨

月黑鄂王祠下路風吹青火出山林

吳山觀濤次劉本中韻

元  
釋守仁

誰扶砥柱障狂瀾謾向江亭酌酒看風力拔山鼉鼓振  
雨聲搖海蜃樓寒尋常鷗鳥知何在多少龍魚不自安  
獨愛劉義詞賦好伍王祠下更凭欄

觀潮次貝廷琚韻

元  
張昱

世代銷沈在此聲幾回東下復西傾翻騰日月迷朝夕  
簸蕩魚龍定死生銜石每憐精衛小投膠未見濁河清

眼前波浪猶如此莫說蓬萊頂上行

晚泊海寧州

明 劉基

春霧今朝氣稍清空江一舸客心驚東流濁浪衝山動  
西望長庚似月明不有龔黃為郡縣空教耒耜化戈兵  
普天何處非王土無地安身懷此生

送李使君鎮海寧

明 高啓

海風千里卷雙旌按轡初聞屬部清民雜島夸爭午市  
潮隨山雨入秋城鳴狐不近睢陽廟突騎猶屯廣利營

肯掃帳中容我醉夜深燃燭卧談兵

舟過錢塘有感

明 陳汝言

錢塘江上水悠悠落日扁舟送客愁  
雲氣欲含千嶂雨潮聲遠帶大江流  
征帆且復停洲渚晚飯應須上柁樓  
見說西湖載歌舞春風不似舊時遊

送王景方歸杭州

明 顧潤

闔閭城外送歸航流水何如客思長  
已遣停杯傾別酒還教攜手上河梁  
白蘋漁浦迷秋色紅樹官亭帶夕陽

最是不堪凝望處青山無數隔錢塘

浙江亭觀潮

明 貝瓊

山推岸圻晝暝暝勃地西風帶蜃腥  
滄海倒流吞日月青天中立走雷霆  
欲招白馬今無跡莫信神魚尚有靈  
一氣虛空自升降乾坤與我亦浮萍

望海

明 俞安期

積氣茫茫九水都望來空濶盡東隅  
雲霞午夜浮光動雷雨中流片影孤  
日有靈烏棲析木時無游馬繫秦蒲

島夸向識滄波道烽燧防春亦遠圖

同汪魯二將軍登寶山看海

明 錢允治

地軸東虧接混茫空明何處是扶桑青山一點孤城黑  
碧月半輪殘照黃橫海樓船天漠漠隔沙烟樹水蒼蒼  
野夫却喜狼烽息醉飲將軍寶纛旁

錢塘懷古

明 徐繼思

胥邱西郭水連天慶忌孤墳落照偏夜夜海潮飛白馬  
年年江月度烏鳶越王臺榭愁荒草吳苑笙歌泣斷烟

七十二峯零亂後只今依舊采蓮船

晚渡錢塘

明  
陳子龍

吳山越岫隔中流  
簫鼓平明青翰舟  
萬里晴江開曉郭  
千帆春草送芳洲  
桃花欲落潮先至  
鶯語初聞露未收  
何事西陵常問渡  
不堪獨上望京樓

錢塘東望有感

明  
陳子龍

清溪東下大江迴  
立馬層崖極望哀  
曉日四明霞氣重  
春潮三浙浪花開  
禹陵風雨思王會  
越國山川出霸才

依舊謝公攜屐處紅泉碧樹待人來

觀潮

明  
李宗表

江上秋風八月潮浪花吹雪過山椒雄吞越傲聲喧襍  
高蹴吳天影動搖鉄箭事聞今尚在鷗夸魂遠有誰招  
滔滔無限朝宗意夜久魚龍漫寂寥

浙江秋濤

明  
高得暘

秋滿湖天八月中潮頭萬丈駕西風雲驅蛟蜃雷霆鬪  
水激鷗鵬渤澥空自古江山誇壯麗至今父老說英雄

諸溪近海徒相應氣勢安能與此同

浙江秋濤

明 無名氏

怒挾西風勢未休滔滔何處覓安流青山隔岸分吳越  
白浪排空過斗牛鐵箭有靈來昨日素車遺恨已千秋  
晚來試倚棹亭立楓葉蘆花一望愁

錢塘

明 柳雲霄

天隨望落低低鳥海欲潮生細細風裘戀客邊春夜冷  
夢依天末翠微空雲深碧樹渾經濕日落清江半染紅

愁倚西樓芳草合吳山越水暮烟中

望潮

明 孫一元

獨倚危岑岸接羅晚潮初上練痕齊亂槳鼉鼓妖蛟舞  
倒捲銀山海日低弓弩千年人去後帆檣萬里望中迷  
憑誰喚起眉山老為誦錢王廟裏題

錢塘夜泊

明 王穉登

孤舟三日雨淙淙夜泊錢家舊建邦桑過石門青拂枕  
水經橋李黛含窻六橋花盡休攜酒五月潮平好渡江

此去報恩慚烈士匣中龍劍氣難降

國朝

錢塘觀潮

沈謙

開襟遙睇大江皋八月秋風正怒號  
蜃氣南生漁浦暗潮聲西上釣臺高  
猶憐古塹沈飛弩誰向寒沙洒濁膠  
浪泊迢迢銅柱起烟塵此日愧吾曹

夜泊錢塘

周茂源

津亭極望海門遙水國輕寒夜泐漻  
隔岸青山神

禹廟中流白浪伍胥潮春星萬點連漁火宿雨兼  
旬變柳條咫尺桐江圖畫裏牽舟無奈石尤驕

江潮

丁文煥

羅刹江頭八月潮吞山挾海勢雄豪六鼇倒捲銀  
河濶萬里橫奔雪嶂高自是乾坤通氣脈無非神  
物作波濤吳兒弄險須臾事坐看平流濟萬艘

吳山望浙江

朱彝尊

一峯高出萬松寒磴道虛疑十八盤近海魚龍吹

宿霧中天日月轉浮瀾風帆岸壓明珠舶仙樹花  
濃白石壇舊是錦衣行樂地江山真作霸圖看

自漁浦挂席至富陽同初白聯句 朱彝尊

舩郎唱櫓雨初消

查慎行

突起東風送客舩百里晴

山低似屋

彝尊

一江新水健於潮得攜老伴無拘束

行縱是貪游未寂寥況有月波春壘在

彝尊

隔船不

乏酒人招

慎行

江山小舩急浪衝孽疾若鷺鳥凌霜寒

慎行

灣環忽

轉赤亭岸  
鱖俄頃不見南高峯  
慎行  
鱖魚出網白尾

尾鱖烏桕夾路青茸茸  
慎行  
井西道人畫不得  
鱖暖

翠浮嵐如此濃  
慎行

查慎行

雪後從西興晚渡錢塘江

牛車沒轂水何渾  
暗長春潮二尺痕  
萬竈鋪煙沈  
海戍兩山銜  
雪束江疊船開渡口愁  
將晚月到圓  
時過上元莫負承平好  
風景河塘燈火鬧  
黃昏時

沙河塘燈火最盛東  
坡詩繁星闌河塘

海塘錄

海塘告成次中丞屠艾山原韻

查嗣璫

重將斥鹵作陂田敷土神工豈偶然黑水無波疑  
縮地黃星不騁竟回天明經特借經臣力砥柱應  
資柱石賢可但海隅歌衽席百年四郡慶安全

傳將佳句叶州閭涸轍何須顧鮒魚賦就馬銜先  
避地圖成海若已潛驅迴潮不用三千弩灑浚虛  
傳十二渠永與東南紀成績朝宗絡繹走舟車

日月浮天互吐吞紛紛鮫鰐起游魂心慚負石功

難補目駭囊沙蹟尚存永為坤輿窮沃汜重教元  
化返胚渾夕雲宿霧俱收斂龕赭依然舊海疊  
手障狂瀾直欲東嵬然碕岸與天通憑將當代濟  
川楫幻作虛空駕海虹澤國千年成息土晴天萬  
里見仙蓬漉沙增灶人無恙笑指平成百世功

春江

毛奇齡

湛湛春江覆綠波夕陽江上奈愁何人家菰菜新  
晴少浦口楊花薄暮多野霧行舟迷遠渡晚寒歸

鳥聚高柯到來三載隨漁父不道還為澤畔歌

登吳山蘭若同張孝廉

毛奇齡

宕崑紺闕快同登直上吳山第一層  
柑杪寒濤翻北郭帆來古渡是西陵  
中天化雨迷香象落日秋風對季鷹  
我欲遠尋蓬島去何年東望海雲蒸

西陵渡即事

毛奇齡

望京門外舊樟亭驛路臨江蔽遠垌  
風轉一帆沙嶼白天低兩岸海潮青  
通關賈舳搖旌旆下瀨軍

書綴羽翎叢笛幾行相望隔有人垂釣在滄溟

錢塘西路固陵舫十里平沙官渡遙鎮海舊樓飛

紫螭教兵新堞散紅椒

希軻曰越絕書有教兵城今又名教兵有新壘

平

原兔暖看馳獵曲港鰵高欲上潮白馬素車長在

望哀魂千載竟誰招

登江上樓

王錫

書劍頻年事遠遊聊扶殘醉上危樓飄零季子裘  
空敝慷慨班生筆未收日色遙含千樹晚濤聲近

薄一江秋此身去就渾無定每向登臨動旅愁

西陵迈棹

劉正誼

高低市火映寒流入夜西陵獨放舟復見芳烟迷  
客路曾聽疎雨卧僧樓水連樹碧砧聲寂霜染林  
紅鳥夢幽明月河梁回望處隔江雲物尚勾留

輕風簇浪細如花百里清江夜色賒心惜峰巒偏  
易別身耽鷗鷺喜還家山鐘野寺參差吼譙鼓嚴  
城歷亂認得村西賣酒店紅闌杆曲小旗叉

秋渡錢塘

陸舜

越絕山川半似吳，錢塘東渡片帆孤。  
滿空雲物弄秋色，兩岸江城入畫圖。  
水落萬峯看樹小，風高九月聽潮無。  
追思吳越當年事，故壘西邊叫鷓鴣。

八月十八日觀潮

厲鶚

西風吹客出重城，乘興聊為江上行。  
買酒旗亭望山遠，焚香野廟拜潮生。  
喧呼兒女秋誇雪，浩蕩龜魚晚弄晴。  
欲學盧郎無賦筆，老夫胷次尚崢嶸。

海塘錄卷二十四

欽定四庫全書

海塘錄卷二十五

內閣中書程均廉撰

藝文八

五言排律

樟亭觀潮

唐  
宋 昱

濤來勢轉雄  
獵獵駕長風  
雷震雲霓裏  
山飛霜雪中  
激流高失岸  
吹滂上侵空  
翕闢乾坤異  
盈虛日月同  
餘艍

從陸起洲浦隔阡通跳沫噴巖翠翻波帶景紅怒湍初  
抵北却浪復歸東寂聽堪增勇晴看自發蒙伍生傳或  
謬枚叟說難工來信應無已申威亦匪窮衝騰如決勝  
迴合似相攻委質任平視誰能測始終

越江秋曙

唐

蕭穎士

扁舟東路遠曉月下江濱潏灩信潮上蒼茫孤嶼分林  
聲寒動葉水氣曙連雲瞰日浪中出榜歌天際聞伯鸞  
常去國安道惜離羣延首剡谿近詠言懷數君

東樓南望八韻

唐白居易

不厭東南望江樓對海門風濤生有信天水合無痕鷁  
帶雲帆動鷗和雪浪翻魚鹽聚為市煙火起成村日脚  
金波碎峯頭鈿點繁送秋千里雁報暝一聲猿已豁煩  
襟悶仍開病眼昏郡中登眺處無勝此東軒

渡西陵十六韻

并序

唐李紳

七年冬十有三日早渡浙江寒雨方霖軍吏悉在江  
次越人年穀未成霖雨不止田畝浸溢水不及穗者數

寸余至驛命押衙裴行宗先齋祝辭東望拜大禹廟  
且以百姓請命雨收雲息日朗者三旬有五日刈穫  
皆畢有以見神之不欺也

雨送奔濤遠風收駭浪平截流張旆影分岸走輦聲獸  
逐銜波湧龜鰲噴棹輕海門凝霧暗江渚濕雲橫雁翼  
看舟子魚鱗辨水營騎交遮戍合戈簇擁沙明謬履千  
夫長將詢百吏情下車占黍稷冬雨害梁盛望禱依前  
聖垂休冀厚生半江猶慘澹全野已澄清愛景三辰朗

祥農萬庾盈浦程通曲嶼海色媚重城弓日韃橐動旗  
風虎豹爭及郊揮白羽入里卷紅旌愷悌思陳力端莊  
冀表誠臨人與安俗非止奉師貞

杭州觀潮

唐姚合

樓有樟亭號濤來自古今勢連滄海濶色比白雲深怒  
雪驅寒氣狂雷散大音浪高風更起波急石難沈鳥懼  
多遙過龍驚不敢吟坳如開玉穴危似走瓊岑但褫千  
人魄那知伍相心岸推連古道洲漲踣叢林跳沫山皆

濕當江日半陰天然與禹鑿此理遣誰尋

和運使舍人觀潮次韻

宋 范仲淹

何處潮偏盛錢塘無與儔誰能問天意獨此見濤頭海  
浦吞來盡江城打欲浮勢雄驅島嶼聲怒戰貔貅萬疊  
雲纔起千尋練不收長風方破浪一氣自橫秋高岸驚  
先裂羣源怯倒流騰凌大鷗化浩蕩六鰲游北客觀猶  
慙吳兒弄弗憂子胥忠義者無覆巨川舟

把酒問東溟潮從何代生寧非天吐納長逐月虧盈暴

怒中秋勢雄豪半夜聲堂堂雲陣合屹屹雪中行海面  
雷霆聚江心瀑布橫巨防連地震羣檝望風迎踊若蛟  
龍鬪奔如雨電驚未知千古信回見百川平破浪功難  
敵驅山力可并伍胥神不泯憑此發威名

國朝

錢塘晚渡

王錫

兩岸芙蓉醉秋江入畫圖風多歸鳥亂日落片帆  
孤漁子波心釣舟人渡口呼荻花飛雪盡楊柳着

霜枯雲物方辭越關津忽到吳水寒烟不起山遠  
樹全無綠綺琴猶在紅亭酒用沽名心輕早歲世  
味識窮途異國疎狂客鄉鄰笑豎儒還家莫惆悵  
蘿月弄西湖

五言截句

初下浙江舟中口號

唐  
孟浩然

八月觀潮罷三江越海潯回瞻魏闕路空復子牟心

杭州祝濤頭二首

唐  
徐凝

不道沙隄盡猶欺石棧頑寄言能白雪休去打青山

送薛二十三郎中赴婺州

唐姚合

我住浙江西君去浙江東日日心來往不畏浙江風

別杭州

唐姚合

醉與江濤別江濤惜我遊他年婚嫁了終老此江頭

晚望

宋度宗

鷗鷺歸烟渚秋江挾晚晴老漁閒樣艇坐待月華生

宴玉津園江樓

宋任希夷

風靜潮痕減江空夕照多  
星星波上艇隱隱岸邊莎  
風光連北闕景物傍西湖  
禁籞濤江上茲樓天下無  
虛齋留御榻小逕近層崖  
再拜觀奎畫渾疑侍玉階  
參天宮栢翠布地禁花紅  
臺沼如文囿規摹有汴風

江上

宋 釋永頤

江頭雲閣雨柳色與春深  
船發春風阻誰知客子心

秋江曉渡圖

元 楊維禎

船泊大江口行人與馬爭  
不如漁艇子高卧待潮平

東歸次錢塘先寄弟

元 范 欽

月落天將曙風高浪欲層夜來春艸夢先已度西陵

春夜錢塘江行

元 吳宗儒

小艇發江干入夜東風起帶雨掛輕帆西行三百里

潮

元 孫承宗

休嫁弄潮兒潮今已失信乘我油壁車空向錢塘問

江邨

法 聚

殘陽在木末遠鳥沒孤嶼漁舟歸未歸吹笛芙蓉渚

國朝

浙江秋濤

張丹

萬里西風吹洪濤  
撼江閣掛帆白塔下  
瞥眼富春

郭

閒亭候潮

張丹

極目秋江濶  
空亭獨倚欄  
早潮猶未上  
落月如金盤

浙江秋濤

諸壬發

倏忽大風發羣龍若昂首青天無片雲夾岸雷霆  
走

閒亭候潮

諸壬發

近水白平野遠山紅入天早潮倏已至江路亂流  
煙

偕李孝廉入閩初發江干

朱彞尊

清江自西來海水逆流合我帆掛東風遙指富春  
塔

初發江干

查慎行

江路羊腸迴江風羊角合漸近漁浦潭忽失六和

塔

錢塘江行雜詩

曹溶

春水浴文石諸花夾相送行窮兩岸山未覺輕舟  
動

采綠人何在霜林數十家屋前看越嶺終日漾清

沙

月愛迴谿暖叢篁十月新臨流時濯足驚起踏歌人

六言截句

浙江

元 吳師道

兩山噴雪眩轉三道奔波淼漫白塔故宮高殿行人來倚闌干

江邊

元 李孝光

江邊孤樹猶碧天際白雲自流七十二灘浩蕩夕陽照

見歸舟

國朝

江行雜詩

查慎行

人家泥浦漁浦驛路樟亭赤亭黃犢鳴邊艸綠盡  
眉啼處峯青

船頭載餘杭酒枕上看富春圖老伴不離鵝鴨浮  
踪又落江湖

雨中江上

厲鶚

樹外雨隨風至塘邊水入田流  
帆底廟子沙口人  
語龍山渡頭

橘蠹化雙飛蝶桑芽飼再熟  
蠶隔岸雲屯黑白近  
城岫洗青藍

村娃向井提爰田父衝烟曳柴老我三家竹墅宜  
人一緬樓鞦

梅候不便北客波官多賽南朝江平觀漲小艇雨  
歇迎神洞簫

七言截句

渡浙江問舟中人

唐 孟浩然

潮落江平未有風，扁舟共濟與君同。  
時時引領望天末，何處青山是越中。

送陶十赴杭州攝掾

唐 劉長卿

莫嗟江城一掾卑，滄州未是阻心期。  
浙中山色千萬狀，門外潮聲朝暮時。

渡浙江

唐 盧綸

前船後船未相及五兩頭平北風急飛沙卷地日色昏  
一半征帆浪花濕

答微之泊西陵驛見寄

唐白居易

烟波靜處一點白應是西陵古驛臺知在臺邊望不見  
暮潮空送渡江迴

潮

唐白居易

早潮纔落晚潮來一月周流十六回不獨光陰朝復暮  
杭州老去被潮催

浪淘沙詞

唐白居易

一泊沙來一泊去一重浪減一重生相攪相淘無歇日  
會教山海一時平

白浪茫茫與海連平沙浩浩四無邊朝來暮去淘不住  
遂令東海變桑田

青州湖中萬里程黃梅雨裏一人行愁見灘頭夜泊處  
風翻暗浪打船聲

借問江潮與海水何似君情與妾心相恨不如潮有信

相思始覺海非深

海底飛塵終有日  
山頭化石豈無時  
誰道小郎拋少婦  
船頭一去沒回期

隨波逐浪到天涯  
遷客生還有幾家  
却到帝鄉重富貴  
請君莫忘浪淘沙

應舉題錢塘公館

唐  
陳去疾

萬里茫茫天塹遙  
秦皇底事不安橋  
錢塘江口無錢過  
又阻西陵兩信潮

觀潮

唐 劉禹錫

八月濤聲吼地來，頭高數丈觸山回。  
須臾却入海門去，卷起沙堆似雪堆。

觀浙江濤

唐 徐凝

浙江悠悠海西綠，驚濤日夜兩翻覆。  
錢塘郭裏看潮人，直至白頭看不足。

觀海

宋 趙抃

巨海澄瀾勢自平，停車冉冉看潮生。  
豈同八月吳江會

共駭潮頭萬鼓鳴

海船

宋 朱名世

輕裝方解盡無遺  
風挾雙蓬水面飛  
却被沙頭漁父笑  
滿船空載月明歸

海味

宋 朱名世

海味新來數得餐  
梢人收拾日登盤  
錢塘江上親曾見  
賣得風流別一般

海鷗

宋 朱名世

羣飛獨宿水中央  
逐浪隨波羽半傷  
莫去西湖花裏睡  
芰荷翻雨打鴛鴦

海魚

宋 朱名世

劍鬣如山海面浮  
巨腮噓浪勢吞舟  
丁寧大客尋竿餌  
稚子敲針作釣鉤

憶錢塘江

宋 李 覲

當年乘醉舉歸帆  
隱隱前山日半銜  
好是滿天涵返照  
水仙齊著淡紅衫

十七日觀潮

宋 陳師道

潮頭初出海門山千里平沙轉面間猶有江神憐北客  
欲將奇觀破衰顏

江水悠悠自在流向人無恨

一作限

不應愁相逢不覺渾

相似誰使清波早白頭

十八日觀潮

宋 陳師道

一年壯潮盡今朝水伯何知故晚潮海浪肯隨山俯仰  
風帆常共客飄飄

八月十五日看潮

宋蘇軾

定知玉兔十分圓已作霜風九月寒  
寄語重門休上鉤  
夜潮留向月中看

萬人鼓噪懾吳儂猶似浮江老阿童  
欲識潮頭高幾許  
越山渾在浪花中

江邊身世兩悠悠久與滄波共白頭  
造物亦知人易老  
故教江水向西流

吳兒生長狎濤淵冒利輕生不自憐  
東海若知明主意

應教斥鹵變桑田

江神河伯兩醯雞海若東來氣吐蛇安得夫差水犀手

三千强弩射潮低

自注王嘗以弓弩射潮頭與神戰自爾水不近城

題潮出海門圖

宋陳造

絕島平岡捲欲空兩崖相對屹穹崇即今畫手兼詩筆  
更與江山角長雄

卷裏波濤快一披蒼山擁起雪山馳浮天沃日無窮意  
到我春窻病酒時

錢塘江

宋陳淵

潮頭駕月衝殘夢水色浮空送峭寒十幅輕蒲連夜發  
不知身到海門山

六曹長貳觀潮予以入直不預晡時大雷雨走筆

戲蔡子平

宋周必大

雷轟萬鼓勒潮回無復庭前雪作堆應為尚書慳且溢  
盲風怪雨一時來

浙江小礮春日

宋范成大

客裏無人共一杯故園桃李為誰開春潮不管天涯恨  
更捲西興暮雨來

晚潮

宋 范成大

東風吹雨晚潮生疊鼓催船鏡裏行底事今年春漲小  
去年曾與畫橋平

次韻寶應叔觀海

宋 王十朋

戴地浮天浩莫窮氣營樓閣聳虛空道人妙得觀瀾術  
萬里滄溟碧眼中

題童壽卿潮出海門圖

宋王炎

潮來濺雪欲浮天  
潮去奔雷又寂然  
海上兩山原不動  
更添此意畫圖傳

題俞樅畫浙江觀潮冊

宋曹勛

吳越山高紫翠重  
浙江東下竦雙峯  
峯前忽湧東西白  
飛舞潮頭萬玉龍

渡浙江

宋葉適

晚霞鋪畫月明鉤  
萬里無風一水浮  
長怕舟師深擊楫

自今洄洑起中流

大雪趙振文寄詩言乘月泛舟清甚次韻

宋樓鑰

舊聞老具擅詩聲夜泛錢塘向鳳城今日清遊更豪逸

雪花和月帶潮生

法具字國復紹興初詩僧也有月夜遊錢塘江詩云小舟為我載明月白

沙翠竹光相射自從李白下金陵四百年無此豪逸

還自錢塘道中

宋潘檉

江上青山落照邊江頭歸客木蘭船春鷗自共潮回去

金史卷之八  
卷二十五  
一點飛來是柳綿

錢塘晚望

宋  
謝翱

錢塘江上夜潮過  
秋靜寒烟白露多  
吳越青山明月裏  
舟人齊唱異鄉歌

錢塘渡

宋  
蘇洵

百年鬢髮春風晚  
十二欄干落照微  
多事錢塘江水上  
送人離別送人歸

夜宿浙江亭

宋  
曹既明

夜半潮聲撼客牀，卧聽柔櫓鬧空江。  
驚迴倦枕鄉關夢，海日烘山上曉窗。

重到錢塘

宋鮑輶

惟有寒潮不世情，朝朝暮暮過空城。  
百年車馬閭門外，獨見春風草又生。

泛浙江

宋方回

海門山到富春山，礙石衝沙幾灣。  
不是此江故盤屈，雪濤何得記吳關。

觀潮

宋 王琮中

旂綵斜飛一命輕  
舟人却立萬舟迎  
不應當日將軍事  
猶到如今氣未平

江頭

宋 俞桂

漁浦山邊白鷺飛  
西興渡口夕陽微  
等閒更上層樓望  
貪看江潮不肯歸

江上

宋 俞桂

小雨纔收日漸斜  
酒旂插處兩三家  
江頭粧點秋來景

半是蘆花半蓼花

秋江

宋 釋道潛

赤葉楓林落酒旗  
白沙洲渚夕陽微  
數聲柔櫓蒼茫外  
何處江村人夜歸

江上秋夜

宋 釋道潛

雨暗蒼江晚未晴  
井梧翻葉動秋聲  
樓頭夜半風吹斷  
月在浮雲淺處明

月夜游錢塘江

宋 釋德興

小舟為我載月色白沙翠竹光相射自從李白下金陵  
四百年無此豪逸

弄潮詩

宋 錢塘軍人

弄罷江潮曉入城紅旗颭颭白旗輕不因會喫翻頭浪  
爭得天街鼓樂迎

觀浙江沙漲十里有感

元 張志道

重到錢塘異昔時潮頭東擊遠洲移人間莫住三千歲  
滄海桑田幾許悲

江邨

元黃庚

極目江天一望賒  
寒烟漠漠日西斜  
十分秋色無人管  
半屬蘆花半蓼花

江邨即事

元黃庚

江邨暝色漸淒迷  
數點殘鴉雜雁飛  
雁宿蘆花鴉宿樹  
各分一半夕陽歸

題江干初雪圖

元戴表元

斷樹寒雲古岸隈  
漁翁初撥小船開  
看渠風雪忙如許

還有魚兒上釣來

夏夜江上

元 吳師道

繞屋青江竹萬竿  
水風蕭瑟竹光寒  
夜深月上門不掩  
卧聽釣歸船過灘

錢塘懷友

元 黃清老

舟泊楓林一雁聲  
白蘋紅蓼共思君  
月明江水多於海  
雨後秋山碧似雲

題春江小景圖

元 黃清老

小艇無人載綠陰  
白鷗門外笋成林  
不知多少山中雨  
染得一江春水深

題趙千里夜潮圖

元 僕哲篤

風濤洶湧千堆雪  
拍岸翻空倒銀闕  
雁聲驚起一江秋  
萬里無雲掛明月

懷馬教授

水生白石渡頭灣  
念子攜書共往還  
今日相思不相見  
越南殘照海門山

泛海

元張可大

到處啼鶯倚棹歌  
客懷偏向布帆多  
黃雲飛盡天如洗  
鰲背山前萬頃波

杭州歌

明張以寧

西陵渡口潮水平  
十五五放舟行樓中  
燕子慣見客不怕  
渡頭津鼓聲

越水圖

明沈周

記別錢塘二十年  
夕陽山色曉潮邊  
隔江千里美人遠

夢落西興舊渡船

自新安江至錢塘舟行

明  
李流芳

富春天豁一江明  
江上青山縱復橫  
早晚隨潮下三折  
六橋寒樹遠含情

徐邨遇潮

明  
李流芳

千帆影裏練光開  
白玉城推動地雷故  
傍淺沙鞭馬去  
却驚飛沫濺衣回

晚發錢塘

明  
顧文淵

潮平小櫂發錢塘  
俄頃帆飛過富陽  
兩岸好山看不盡  
數聲漁笛起滄浪

江上夜泊

明朱國祚

江上扁舟一葉輕  
夜深燈火滅還明  
枕函未作寒山夢  
卧聽潮聲帶雨生

江潮十首 錄四

明趙應元

橫空白浪駕邱山  
颼逐嚴灘未肯還  
共說鴟夷千古憤  
至今遺怒滿人間

風潮

殘星的歷曙光微水長平沙失釣磯瀑布橫舟冲霧起

浪花迎櫂帶霞飛

早潮

滄茫萬里此停舟潮到山城勢欲浮如許風波且休息

雨微烟暝正宜秋

晚潮

平平沙濶未潮生理櫂楊帆共欲迎自是往來存大信

莫疑翻覆似人情

候潮

浙江詞

明  
田藝衡

秋風捲入海門關白浪高于龕赭山直向富春祠下過

寒流常帶月明還

海上天吳駕六鰲  
祖龍鞭石不成橋  
沙中鐵箭三千尺  
聞說錢王曾射潮

素車白馬送潮來  
伍子山前起怒雷  
幾度停樽歌七發  
千年枚叔總奇才

國朝

江樓送別

張遂辰

片帆才掛海門秋  
落木寒山黯對愁  
莫惜殘樽人

遽別夕陽猶喜半江樓

渡錢塘

朱彝尊

渡口乘潮漾北風輕舟如馬溯江東明朝又是山  
陰道身在千巖萬壑中

江行

朱彝尊

潮落江平宿富陽船頭新月下微霜曉看烏臼紅  
千樹樹杪半山鴨腳黃

絕壁苔紋鼠尾綫灘光晝靜白鎔銀分明江上孤

蓬客黃鶴山樵畫裏人

環溪亭下水流東野碓飛輪到面風  
迤景松巖紅未斂隔江人語漆林中

歸舟雜咏

查慎行

青山漸遠漸模糊散入雲烟澹欲無  
畫手稀逢黃子久詩家別寫富春圖

滾滾秋濤浩浩風烟茫茫處雨濛濛  
不知誰割東西界半幅江山展越中

贈戴山人

毛奇齡

錢塘高士剡中才日暮銜盃江上臺萬疊寒濤通  
夜白依然雪後見君來

送季偉歸錢塘

尤侗

楚尾吳頭路幾遙蟬鳴堤柳影蕭蕭君歸湖上西  
冷口已過錢塘八月潮

歸去南屏自結廬不須長盼楚江書青莎碧荇蓴  
絲菜紫螭紅蝦鰭葉魚

弄潮詞

王錫

狂瀾乍湧海門高，  
律宰銀山駕六鰲。  
七發應嗤枚叔陋，  
詭觀但說廣陵濤。

吳兒重利每輕生，  
踏浪爭持採幟行。  
技勇若能驅敵愾，  
應教萬里破龍城。

綿亘錦幕照江濤，  
那管神州已陸沉。  
眼底水嬉雖百變，  
憎兒可抱濟川心。

朱旗畫傘鬧江干，  
騰跳迎潮萬姓歡。  
童子善泅多

似織懸知百倍呂梁觀

傾城士女集如雲羅剎江邊演水軍家給民原知  
自愛不煩作戒弄潮文

繡胸文脰競沿洄金鼓連天震似雷海若縱橫誰  
砥柱直須萬弩射潮回

錢塘觀濤

劉廷璣

滾滾長江去復回蛟龍飛處響如雷萬千人盡回  
頭望一片銀山駕海來

越游雜詩

金志章

潮落樟亭漾淺沙  
晴江渺渺片帆斜  
臨流欲喚西陵渡  
一笑先登轂轆車

一艇橫江信午風  
青山兩岸列西東  
井西圖畫何人會  
暖翠浮嵐在眼中

江漲口號

金志章

皎皎雨晴明月光  
一夜水添三尺強  
朝來大鰲忽鱗集  
不是魚船是米糧

勘中小疊

高斌

葛壘山前江溜行中疊直下候潮迎南崖賴有文

堂峙喜慶錢塘奏績成

江溜由葛壘山前中小疊直下通潮入海北疊舊江

潮退流停更可喜者南崖偏西大堂山挑溜入中疊其南疊安穩無虞全塘永慶成功矣

龕山北望赭山紅偏地桑麻樂永豐舊日南疊三

十里幸今無碍海潮攻

赭山以南三十里乃舊時南大疊今已成樂土幸無

碍妨

次錢塘詩

沈仕

千里江流十日行  
淒風急雨鬪江聲  
到來掛席紅雲上  
笑指扶桑海日生

笑指扶桑海日生  
望中佳氣擁春城  
鶯花萬戶珊瑚色  
烟水六橋歌吹聲

海上

戴敏

萬頃鯨波朝日赤  
滄洲四望無窮極  
海山何處是蓬萊  
遍問漁翁都不識

詞

憶江南

杭州

唐白居易

江南憶最憶是杭州  
山寺月中尋桂子  
郡亭枕上看潮頭  
何日更重遊

漁父歌

唐李珣

棹警鷗飛水濺袍  
影侵潭面柳垂條  
終日醉絕塵勞會  
見錢塘八月潮

望海潮

宋柳永

東南形勝三吳都會  
錢塘自古繁華  
煙柳畫橋風簾翠

幕參差十萬人家雲樹繞隄沙怒濤捲霜雪天塹無涯  
市列珠璣戶盈羅綺競豪奢重湖疊嶽清佳有三秋  
桂子十里荷花羌笛弄晴菱歌泛夜嬉嬉釣叟蓮娃  
千騎擁高牙乘醉聽歌鼓吟賞烟霞異日圖將好景  
歸去鳳池誇

河滿子

陪杭守泛潮夜歸

宋張先

溪女送花隨處沙鷗避樂分行遊舸已如圖障裏小屏  
猶畫瀟湘人面新生酒艷日痕更欲春長衣上交枝

鬪色釵頭比翼相  
雙片段落霞明水底  
風紋時動粧光  
賓從夜歸無月千燈  
萬丈湖塘

瑞鷗鴒觀濤

宋蘇軾

碧紗影裏小紅旗  
儂是江南踏雪兒  
拍手欲嘲山簡醉  
齊聲爭唱浪婆詞  
西興渡口帆初落  
漁浦山頭日未  
移  
儂欲送潮歌底曲  
樽前還唱使君詩

江神子錢塘江上

宋蘇軾

鳳凰山下雨初晴  
水風清晚霞明  
一朵芙蓉開遍尚盈

盈何處飛來雙白鷺如有意慕娉婷忽聞江上弄哀箏  
苦含情遣誰聽烟斂雲收依約是湘靈欲待曲終尋問  
取人不見數峯青

南歌子

錢塘晚眺

宋蘇軾

山雨蕭蕭過溪橋瀏瀏清小園幽榭枕蘋汀門外月華  
如水綵舟橫  
苔岸霜花盡江潮雪陣平兩山遙指海  
門青回首水雲何處覓孤城

摸魚兒

觀潮上葉丞相

宋辛棄疾

望飛來半空鷗鷺須臾動地鼙鼓截江組練駟山去塵  
戰未收貔虎朝又暮悄慣得吳兒不怕蛟龍怒風波平  
步看紅旆驚飛跳魚直上蹙踏浪花舞憑誰問萬里  
長鯨吞吐人間兒戲千弩滔天力倦知何事白馬素車  
東去堪恨處人道是屬鏐怨憤足千古功名自誤謾教  
得陶朱五湖西子一舸弄烟雨

念奴嬌

觀湖

宋  
陸凝之

遠山一帶遡晴空極目天涯浮白楓落鴉翻談笑處不

覺雲濤橫席酒病方蘇睡魔猶縈一掃無留迹吳帆越調  
恍然飛上空碧長記草賦梁園凌雲筆勢倒三江秋  
色對此驚心空悵望老作紅塵閒客別浦烟平小樓人  
散回首烟波寂西風掃露為君重噴霜笛

酌江月

浙江亭觀濤應制

宋

吳玕

玉虹遙掛望青山隱隱細如一抹忽覺天風吹海立好  
似春霆始發白馬凌空瓊鰲駕水日夜朝天闕飛龍舞  
鳳鬱葱環拱吳越此景天下應無東南形勝偉觀真

奇絕好是吳兒飛綵幟  
蹙起一江秋雪黃屋天臨水崖  
雲擁看擊中流楫晚來波靜海門飛上明月

水龍吟

錢塘作

宋陳以莊

晚來江濶潮平越舫吳榜催人去  
稽山滴翠胥濤潑恨  
一襟離緒訪柳章臺問桃仙浦  
物華如故向秋娘渡口  
泰娘橋畔依稀是相逢處  
窈窕青門紫陌舊羅新衣  
翻金縷舊音恍記輕擺慢撚  
哀絃老柱金屋難成阿嬌  
已遠不堪春暮聽一聲杜宇  
紅殷綠老雨花風絮

謁金門 吳山觀濤

宋周密

天水碧染就一江秋色  
鰲戴雪山龍起  
蟄快風吹海立  
數點烟鬟青滴  
一幅霞綃紅濕  
白鳥明邊帆影直  
隔江聞夜笛

虞美人 浙江舟中作

元趙孟頫

潮生潮落何時了  
斷送行人老  
消沈萬古意無窮  
盡在長空澹澹鳥飛中  
海門幾點青山小  
望極烟波渺  
何當駕我以長風  
便欲乘槎浮到日華東

國朝

滿江紅

錢塘觀潮

曹溶

浪湧蓬萊高飛撼宋家宮闕誰盪激靈胥一怒惹  
冠衝髮點點征帆都卸了海門急鼓聲初發似萬  
羣風馬驟銀鞍爭超越江妃哭堆成雪鮫人舞  
圓如月正危樓湍轉晚來愁絕城上吳山遮不住  
亂濤穿到嚴灘歇是英雄未死報讎心秋時節

滿江紅

錢塘觀潮和曹侍郎韻

朱彝尊

曹侍郎錢塘觀潮一閱最為崛竒今見雕本改竄可惜康熙丙子秋涉江追和其韻并附原詞於後不作三舍退避者欲存其真也

羅刹江空設險有海門雙闕日未午樟亭一望樹多於髮乍見雲濤銀屋湧俄驚地軸轟雷發算陰陽呼吸本天然分吳越遺廟古餘霜雪殘碑在無年月訝揚波重水後先竒絕齊向屬鏤鋒下死英魂毅魄難消歇趁高秋白馬素車來同弭節

蝶戀花

錢塘觀潮

朱彝尊

楓浦客來煙未散，  
渾如許，如言隱羅漸落分行雁。  
曄

解道澄江淨如練，  
曄風翻白浪花千片，  
白居易細雨

濕衣看不見，  
劉長卿浩汗連緜，  
張希復地濶平沙岸，  
杜甫

信宿漁人還汎汎，  
杜甫富陽山底樟亭畔，  
白居易

一半兒

浙江

朱彝尊

鯉魚風起鳳山根，  
白鷺潮來鰲子門，  
黃雀雨晴魚

浦村亂帆分一半兒，  
天斜一半兒穩。

海塘錄卷二十五

欽定四庫全書

海塘錄卷二十六

內閣中書翟均廉撰

雜志

抱樸子潮汐者一月之中天再東再西故潮水再大再小又夏時日居南宿陰消陽盛而天高一萬五千里故夏潮大冬時日居北宿陰盛陽消而天卑一萬五千里故冬潮小春日居東宿天高一萬五千里故春潮漸起

也秋日居西宿天卑一萬五千里故秋潮漸減也

西溪殘語或問四海潮皆平惟浙江濤至則亘如山岳奮如雷霆冰岸橫飛雪崖傍射澎騰奔激其故何也或云夾岸有山南曰龕北曰赭二山相對謂之海門岸狹勢逼湧而為濤耳若言狹逼則東溟自定海吞餘姚奉化二江俾之浙江尤甚狹逼潮來不聞濤有聲也今觀浙江之口起自纂風亭北望嘉興大山水濶二百餘里故海商舶船怖于上渾惟泛餘姚小江易舟而浮運河達

于杭越矣蓋以下有沙潭南北亘之隔礙洪波感遏潮  
勢夫月離震兌他潮已生惟浙江潮水未至洎月經乾  
巽潮來已半濁浪堆滯後水益來于是溢于沙潭猛怒  
頓涌聲勢激射故起而為濤耳非江山淺逼使之然也  
西溪殘語舊於會稽得一石碑論海潮依陰陽時刻極  
有理大率元氣虛翕天隨氣而漲斂冥渤往來潮隨天  
而進退者也以日者衆陽之母陰生于陽故潮附之于  
日也月者太陰之精水者陰類故潮依之于月也是故

隨日而應月依陰而附陽盈于朔望消于朏魄虛于上下弦息于朒朒故潮有大小焉今起月朔夜半子時潮平于地之子位四刻一十六分半月離于日在地之辰次日移三刻七十二分對月到之位以日臨之次潮必應之過月望復東行潮附日而又西應之至後朔子時四刻一十六分半月潮水俱復會于子位其小盡則月離于日在地之辰次日移三刻七十三分半復對月到之位以日臨之次潮必應之至後朔子時四刻一十

六分半日月潮水亦俱復會于子位是知潮常附日而左旋以月臨在午潮必平矣月在卯酉汐必盡矣或遲速消息之小異而進退盈虛終不失於時期矣

唐文粹盧肇日至海成潮入圖法八月之望日在翼軫之間此時潮最大今立此望之夕日入初于時在戌見潮初生之候

番禺記早潮上晚潮下兩水相合謂之沓潮

寰宇記瓊管志云江浙欽廉之潮皆有定候瓊海之潮

金方集卷二十六  
半日東流半日西流潮之大小隨長短星不繫月之盛衰

輟耕錄浙江晝夜二潮甚信土人以詩記之曰午未未末申申卯卯辰辰巳巳午午朔望一般輪此候潮也  
初一日午未初二日未初十五日如初一夜候則六時對衝子午丑未之類

錢塘候潮圖潮至每月二十四五漸減二十六七漸生至初三漸大不差頃刻惟八月十五獨大常潮遠觀數

百里若素練橫江稍近見潮頭高數丈卷雲擁雪混混  
底底聲如雷鼓猶不足以形容之每年是日遠近士女  
來觀舟人漁子泝濤觸浪謂之迎潮

朱子語類潮之遲速大小自有常舊見明州人說月加  
子午則潮長自有此理沈存中筆談說亦如此謂月在  
地子午之方初一卯十五酉

性理大全問晦翁謂月加子午則潮長未詳其說潛室  
陳氏曰此說不可曉今海居者但云月上潮長月落潮

退誠驗其言乃是日加卯酉方位非子午也朔日之潮可驗朔日月與日會日才出卯方即潮長入酉方即潮又長是月與日相隨出沒

就日錄東海漁翁海潮論云地浮於大海隨氣出入上下地下則滄海之水入于江謂之潮地上則江河之水歸于滄海謂之汐浙江發源最近江水少海水多其潮特大

高麗圖經潮汐往來應期不爽為天地之至信古人嘗

論之在風俗記以為海鱗出入之度浮屠書以為神龍之變化竇叔蒙海濤志以為水隨月之盈虧盧肇海潮賦以為日出於海衝擊而成王克論衡以為水者地之血脈隨氣進退率未之盡大抵天包水水承地而一元之氣升降於太空之中地乘水力以自持且與元氣升降互為抑揚而人不覺亦猶坐於船中而不知船之自運也方其氣升而地沈則海水溢上而為潮及其氣降而地浮則海水縮下而為汐計日十二辰由子至巳其

氣為陽而陽之氣又自有升降以運乎晝由午至亥其  
氣為陰而陰之氣又自有升降以運乎夜一晝一夜合  
陰陽之氣凡再升再降故一日之間潮汐皆再焉然晝  
夜之攻擊乘日升降如應乎月日臨於子則陽氣始升  
月臨於午則陰氣始升故也夕潮之期日皆臨子晝潮  
之期月皆臨午焉又日行遲月行速以速應遲每二十  
九度過半而月行及之日月之會謂之合朔故月朔之  
夜潮日亦臨子月朔之晝潮日亦臨午焉且晝即天上

而言之天體西轉日月東行自朔而往月速漸東至於  
漸遲而潮亦應之以遲於晝故晝潮自朔後迭差而入  
於夜此所以一日午時二日午末三日未時四日未末  
五日申時六日申末七日酉時八日酉末也至夜即海  
下而言之天體東轉日月西行自朔而往月速漸西至  
於漸遲而潮亦應之以遲於夜故夜潮自朔後迭復而  
入於晝此所以一日子時二日子末三日丑時四日丑  
末五日寅時六日寅末七日卯時八日卯末也以時有

交變氣有盛衰而海潮之所至亦因之為大小當卯酉之月則陰陽之交也氣以交而盛故潮之大也獨異於餘月當朔望之後則天地之變也氣以變而盛故潮之大也獨異於餘日今海中有魚獸殺取皮而乾之至潮時則毛皆起豈非氣感而類應之自然歟

管窺外編是篇所論既以為氣有升降又以為地有沈浮既以為乘日升降又以為如應乎月初無的見但務臆度正醫家所譏譬猶獵不知兔而廣絡原野冀一朝

之獲術之疎也甚矣況皆以升降屬之氣又以升降屬之日所謂升降一與二與且地之與水俱為有形之物則氣有運動形皆隨之可也今乃氣之一升一降獨地為之一沈一浮而水則皆與氣不相干惟因地之浮沈而有溢有縮焉豈理也哉況形隨氣動則氣升而地浮氣降而地沈可也今乃氣升而地反沈氣降而地反浮是地與氣亦不相干矣不但水也凡此又皆病之小者獨地有浮沈之說其病最大浮沈則動上動下無寧靜

時矣吾聞天動地靜矣未聞地亦動也意者地本不動持論者無以為潮汐之說故強之使動耳又何足辨乎唯篇末時有交變氣有盛衰之言似有可取當存之以備一說

養生雜書東海神名阿明南海祝融西海巨乘北海禺疆

龍魚河圖東海君姓馮名修夫人姓朱名隱娥南海君姓祝名赤夫人姓翳名逸寥西海君姓勾太名卬夫人

姓靈名素簡北海君姓是名禹張里夫人姓結名連翹  
咸淳臨安志淞河之水每日晝夜潮再上常以月十日  
二十五日最小月三日十七最大小則水漸漲不過數  
尺大則濤山浪屋雷擊霆碎有吞天沃日之勢吳越春  
秋夫差內傳載吳王賜伍子胥死乃取其屍盛以鴟夷  
之革浮之江中子胥因隨流揚波依潮來往蕩激隄岸  
又越王外傳越王賜大夫種死葬於西山之下一年伍  
子胥從海上穿山脅而持種去與之俱浮于海故前潮

水潘侯者伍子胥也後重水者大夫種也其說荒誕無稽聞諸家所論惟姚寬西溪殘語及徐明叔傳高麗錄有可載者

越絕書胥死之後吳王聞以為妖言甚咎子胥王使人捐於大江口勇士執之乃有遺響發憤馳騰氣若奔馬威凌萬物歸神大海彷彿之間音兆常在後世稱述蓋子胥水仙也

萬歷錢塘縣志舊傳子胥為濤神自宋以前有禱輒應

大中祥符五年令本州每歲春秋建道場三晝夜罷日  
設醮其青詞學士院前一月降付觀此則其時香火之  
盛可想矣

太平廣記海潮朝暮再來其聲震怒雷奔電走百餘里  
時有見子胥乘素車白馬在潮頭之中因立廟以祀廬  
州城內淝河岸亦有子胥廟時淝河之水亦鼓怒而起  
俗云與錢塘潮水相應焉

神州古史考三江稱子胥之濤猶夫七里著嚴陵之瀨

耳謂子胥不為濤將母嚴陵不為瀨乎且濤瀨居前胥陵在後山川之靈神或憑焉枚叔有云似神而非斯言得之且夫石雞清響以應濤牛魚懸驅以奮旄據朝而至旁魄而生亦未必狀彼鯀門同茲鯢穴者也若云必在吳都不登越境則子胥不當恚越鼓鬣於胥山之傍文種不必怒吳帶甲於重山之下嘆故國之狐祥學江神之牛鬪此亦盡有三江之地而云伍相居前南陽附後惟其似之無分疆界耳且祀神以弭江濤之害非假

神以鼓水波之惡列山周棄配食三朝祝融句龍見稱  
二紀鮑君桑李猶或有靈天吳海童不肆其虐感乎人  
心通乎帝聽而謂江潮之神不為子胥也乎

夢梁錄臨安風俗四時奢侈賞玩殆無虛日西有湖光  
可愛東有江潮堪觀皆絕景也每歲八月內潮怒勝于  
常時都人自十一日起便有觀者至十六十八傾城而  
出車馬紛紛十八日最為繁盛二十日則稍稀矣十八  
日蓋因帥座出郊教習節制水軍自廟子頭直至六和

塔家家樓屋盡為貴戚內侍等僱賃作觀潮會

夢梁錄杭人有一等無賴不惜性命之徒以大綵旗或  
小清涼傘紅綠小傘兒各繫色繡緞子滿竿伺潮出海  
門百十為羣執旗泅水上以逐子胥弄潮之戲或有手  
腳執五小旗浮潮頭而戲弄向於治平年間郡守蔡端  
明內翰見其往往有沈沒者作戒約弄潮文然亦不能  
遏也

西湖志餘郡人觀濤自八月十一日至十八日士女雲

集戲倩幕次羅綺塞塗上下十餘里間地無寸隙伺潮  
上海門則洄兒數十執綵旗樹畫傘踏浪翻濤騰躍百  
變以誇技能豪民富客爭賞財物其時優人百戲擊毬  
闖撲魚鼓彈詞聲音鼎沸蓋人但藉看潮為名往往隨  
意酣樂爾

武林舊事浙江之潮天下偉觀也自八月既望以至十  
八日為最盛方其遠出海門僅如銀線既而漸近則玉  
城雪嶺際天而來大聲如雷霆震撼激射吞天沃日勢

極雄豪楊誠齋詩云海濶銀為郭江橫玉繫腰者是也  
每歲京尹出浙江亭教閱水軍艨艟數百分列兩岸盡  
奔騰分合五陣之勢手持十幅大綵旗出沒於鯨波萬  
仞中騰身百變而旗尾界不沾濕以此誇能豪民貴官  
爭賞銀綵江干上下十餘里間珠翠羅綺溢目車馬塞  
途而僦賃看幕雖席地不容間也

夢梁錄帥府節制水軍教閱水陣統制部押于潮未來  
時下水打陣展旗百端呈拽又于水中動鼓吹前面導

引後臺將官于水而舟楫分布左右旗幟滿船上等舞  
鎗飛箭分列交戰試炮放烟捷追敵舟火箭羣下燒燬  
成功鳴鑼放炮賜犒等差緣車駕幸禁中觀潮殿庭下  
視江中但見軍儀于江中整肅部伍望闕奏喏聲如雷  
震余扣及內侍方曉其尊君之禮也其日帥司備牲禮  
草履沙木板于潮來之際俱祭于江中士庶多以經文  
投于江內是時正當金風薦爽丹桂飄香尚復身安體  
健如之何不對時行樂乎

咸淳臨安志錢塘江潮八月十八日最大天下偉觀也  
臨安民俗大半出觀紹興十年秋前二夕江上居民或  
聞空中語曰今年當厄于橋者數百皆凶淫不孝之人  
其間有名而未至者當分遣促之不預此籍則斥去又  
聞應者甚衆民怪駭不敢言次夜跨浦橋畔人夢有戒  
來者云來日勿登橋橋且折旦而告其隣數家所夢皆  
略同相與危懼比潮將至橋上人已滿得夢者從旁伺  
之遇親識立于上者密勸之使下咸以為妖妄不聽須

史潮至奔洶異常驚濤激岸橋震壞入水壓溺數百人  
乃知神明罰惡假手致誅非偶然耳

成化杭州府志崇寧萬壽寺即浙江接待寺在江之濱  
蕭公橋東始建於宋淳熙間元大德九年改為十方禪  
寺延祐四年宣慰使楊某置義渡歲給舟人以糧事具  
無受傳公義渡記至正末燬

咸淳臨安志嘉熙間江潮衝突臨江太平金浦安仁西  
安仁東上五鄉趙安撫與權申請于朝盡蠲苗稅後水

仍故道耕鑿漸復趙安撫與憲申請撥稅額入修江所  
為修築塘岸之費凡為錢二萬四千四百五十八貫四  
百三十七文絹三百三十二匹綿二千二十六兩苗米  
二千四百七十石八斗二升每歲本所經行催納

夢梁錄浙江乃通江渡海之津道且如海商之船大小  
不等大者五千料可載五六百人中等二千料至一千  
料亦可載二三百人餘者謂之鑽風大小八櫓或六櫓  
每船可載百餘人網魚買賣亦有名三板

闕

等船

且論海商之船自入海門便是海洋茫無畔岸其勢誠險蓋神龍怪蜃之所窟風雨晦暝時惟憑針盤而行乃火長掌之毫釐不敢差悞蓋一舟人命所繫也愚屢見大商賈人言此甚詳悉若欲船泛外國買賣則自泉州便可出洋迤邐過七洲洋船中測水約有七十餘丈若經崑崙沙漠蛇龍烏猪等洋神物多于此中行雨上略起朵雲便見龍現全身目光如電爪角宛然獨不見尾耳頃刻天雨如注風浪掀天可畏尤甚但海洋近出礁

則水淺撞礁必壞船全憑南針或有少差即葬魚腹自古舟人云去怕七洲回怕崑崙亦深五十餘丈又論舟師觀海洋中日出日入則知陰陽驗雲氣則知風色逆順毫髮無差遠見浪花則知風自彼來見巨濤拍岸則知次日當起南風見電光則云夏風對閃如此之類略無少差相水之清渾便知山之近遠大洋之水碧黑如澱有山之水碧而綠傍山之水渾而白有魚所聚必多礁石蓋石中多藻苔則魚所依耳每月十四二十八日

謂之大等日此兩日若風雨不當則知一旬之內多有風雨凡測水之時必視其底知是何等沙泥所以知近山有港若商賈出到台溫泉福買賣未嘗過七洲崑崙等大洋若有出洋即從泉州港口至岱山門便可放洋過海泛往他國也至浙江船隻雖海艦多有往來則嚴婺衢徽等船多嘗通津來往謂之長船等隻如杭城柴炭木植柑橘乾濕果子等物多產如此數州耳明越溫台海鮮魚蟹鮫腊等貨亦上潭通於江浙但往來嚴婺

衢徽諸船下則易上則難蓋灘高水逆故也江岸之船甚夥初非一色海船大艦網艇大小船隻公私浙江漁浦等渡船買賣客船皆泊于江岸蓋杭城衆貨之區客販聚多兼仕宦往來皆聚于此耳

西湖志餘杭人最重江魚魚首有白石二枚故又名白石魚每歲孟夏來自海洋綿亘數里其聲如雷漁人以竹筍沈水底聞其聲乃下網截流取之有一網而舉千頭者潑以淡水則魚皆圍圍無力或魚多而力不能舉

懼覆舟者則截網使去頭水取者甚佳二水三水則魚漸小而味漸減矣瞿宗吉竹枝詞云荻芽抽笋棘花開不見河豚石首來早起腥風滿城市即從海口販鮮回仁和縣圖經橐籥沙出縣東四里海際之人採用鼓鑄銅錫之模諸州皆來採亦猶邢沙可以礪玉也仁和縣圖經鹽消出縣東十里煉成朴消又有冬月自地中湧起消通透光瑩者名霜花

咸淳臨安志謹東美秋夜待潮于錢塘江沙上露坐設

大酒樽及一杯對月獨飲意象傲逸吟嘯自若顧臨適  
遇之亦懷一杯就其樽對面東美不問臨亦不與之語  
酒盡始散去

東坡居士集予前後守倅餘杭凡五年秋夏之間蒸熱  
不可過獨中和堂東南頰下瞰海門洞視萬里三伏常  
蕭然也紹聖元年六月舟行赴嶺外熱甚忽憶此處而  
作詩曰忠孝王家千桂宮東坡作吏五年中中和堂上  
東南頰獨有人間萬里風

皇朝類苑好事者以潘閬遨遊浙江詠潮著名以輕綃  
稍寫其形容謂之潘閬詠潮圖宋尚書贈詩曰宋朝歸  
聖主潘閬是詩人王元之亦贈詩曰江城賣藥常將鶴  
古寺看碑不下驢其為名公所激賞如此

西湖志李嵩錢江望潮圖夏珪錢江望潮圖並見珊瑚  
網錢選江潮圖見江寧方洲集童壽卿潮出海門圖見  
王炎吾汶稿趙伯駒夜潮圖見王冕元章集

咸淳臨安志東坡在杭州作有美堂會客詩額聯云天

外黑風吹海立浙東飛雨過江來讀者疑海不能立黃  
魯直曰蓋自為老杜所誤因舉三大禮賦朝獻大清宮  
云九天之雲下垂四海之水皆立以告之二者句皆雄  
俊前無古人坡和陶停雲詩有云雲屯九河雪立三江  
之句亦用此也

齊書張融作海賦文詞詭激以示鎮軍將軍徐凱之曰  
此賦實超本賦但恨不道鹽耳融即求筆註曰流沙構  
白熬波出素積雪中春飛霜暑路

郝元敬詩話錢思復赴江浙鄉試時出浙江潮賦人皆不知錢塘江為曲江思復獨據七發用之考官得其卷置前列思復乃構曲江草堂暮年自稱曲江老人

西湖志餘錢思復惟善錢塘人博學能文章以浙潮賦起名其首句云維羅刹之巨江今實發源於太末試官嘉之遂中選蓋其時滿場無知羅刹為浙江者

咸淳臨安志吳仁璧闕右人中第入浙謁錢武肅殊禮之累召璧入幕堅辭不就以詩謝云東門上相好知音

數盡臺前郭隗金累重雖然容食樵力微無計報樊林  
敝貂不稱芙蓉幕衰朽仍慚玳瑁簪十里溪光一山月  
可堪從此負歸心武肅復遣人請撰羅城記仁璧堅不  
從武肅怒沈于江吳人惜之

咸淳臨安志八月十五日觀潮東坡作詩曰吳兒生長  
狎濤淵冒利忘生不自憐東海若知明主意應教斥鹵  
變桑田時新有旨禁弄潮故云吳兒生長狎濤淵冒利  
輕生不自憐蓋言弄潮之人為貪官中利物致其間有

溺死者故朝旨禁斷某為主上好興水利因作此詩言  
東海若知明主意應教斥鹵變桑田意言東海若知此  
意當令斥鹵地盡變桑田此事之必不可成者以譏興  
水利之難知也

吳越備史武肅王以開平四年八月築捍海塘怒潮急  
湍晝夜衝激板築不就表告於天云願退一兩月之怒  
濤以建數百年之厚業禱胥山祠云願息忠憤之氣暫  
收洶湧之潮函詩一章置海門云傳語龍王并水府錢

塘借與築錢城因採山陽之竹令矢人造為箭三千隻羽以鴻鷺之羽飾以丹硃鍊剛火之鐵為鏃既成用葦敷地分箭六處幣用東方青九十丈南方赤三十丈西方白七十丈北方黑五十丈中央黃二十丈鹿脯煎餅時菓清酒棗脯茅香淨水各六分香爐布置以丙夜三更子時屬丁日上酒三行禱云六丁神君玉女陰神從官兵六千萬人鏐以此丹羽之矢射蛟滅怪渴海枯淵千精百鬼勿使妄干唯願神君佐我助我令我功行早

就禱訖明日募強弩五百人以射濤頭人用六矢每潮一至射以一矢射至五矢潮乃退

錢塘縣志錢王命強弩五百人以射濤頭潮乃退東趨南陵餘箭埋於候潮通江門浦濱鎮以鐵幢誓云鐵壞此箭出又以大竹破之為籠長數十丈中實巨石取羅山大木長數丈植之橫為塘依匠人為防之制又以木立於水際去岸二丈九尺立九木作六重象易既濟未濟卦由是潮不能攻沙土漸積岸益固也

吳越備史錢武肅王命强弩數百以射濤頭又祝胥山祠仍為詩一章函置海門既而濤頭遂趨西乃運巨石盛以竹籠植巨材捍之城基始定其重濠壘塹通渠廣陌亦由是而成焉

成化杭州府志慧炬字照庵越之諸暨人出家于杭之寶石山崇壽院明天台性真之旨洪武初海潮衝壞隄岸室師禱潮神說三皈戒淨水洒處即止吳越人稱菩薩云

錢塘勝迹記寶達晦迹靈隱山號利利法師有刹利院  
院中有印沙床照佛鑑善持秘呪時浙江潮水大溢以  
至于激射湖上諸山寶達誦呪止之一夜有偉人黑冠  
朱衣謂達曰吳伍員復求雪恥耳師慈心為物員聞命  
矣言訖而滅自後潮水擊西興而杭州漲沙數里

孫宇台集駱丞之詠靈隱而及淞江潮也人咸疑之而  
余以為無可疑也乃治潮者出於靈隱僧又何奇也錢  
王時以萬弩射潮而潮不能卻也僧都統贊寧與知覺

禪師延壽建塔創寺于江干以鎮之而潮循故道焉是其一也前南齊時驚濤為害寶達誦秘咒累日吳行人形見于夢而潮擊西興東岸以平又其一也洪武初海潮衝岸壞民廬舍照菴慧炬時居理公岩為潮神說三飯戒楊枝洒處即止不決又其一也然則靈隱之有關于浙江潮而靈隱僧能治潮也所從來矣而又有異者往者六和塔灾火出于北高峯而焚之夫北高峯為火山而能飛火于六和塔者何也吾是以知靈隱之有關

于浙江潮也

成化杭州府志余良肱知杭州錢塘江潮善溢漂官民  
廬舍良肱累石隄障之潮不為害

咸淳臨安志風篁嶺有顯應廟神姓胡名則娶之永康  
人宋天聖丙寅明道癸酉嘗再守杭有惠政在郡時獨  
無潮患以兵部侍郎致仕

謝承後漢書吳郡王闔渡錢塘江遭風船欲覆闔拔劍  
斫水罵伍子胥水息得濟

成化杭州府志秦王纜船石在錢塘門外相傳秦始皇東遊泛海艤舟于此陸羽武林山記云自錢塘門至秦王纜船石俗呼西石頭北關僧思淨刻大石佛于此舊傳西湖本通海東至沙河塘南向一岸皆大江也故始皇纜舟于此

西湖志餘潘同浙江論云胥山西北舊皆鑿石以為棧道唐景龍四年沙岸北漲地漸平理桑麻植馬州司馬李珣始開沙河胥山者今吳山也而俗訛為青山其時

沙河去胥山未甚遠故李紳詩曰猶瞻伍相青山廟又  
曰伍相廟前多白浪景龍沙漲之後至於錢氏隨沙移  
岸漸至鐵幢今新岸去胥山已逾三里皆為通衢至宋  
紹興間紅亭沙漲其沙已遠在胥山西南矣

神州古史考云杭州郡城乃古江水所逕者舊所傳內  
築海洋之堤外有江漲之橋猶前志也今城中猶存漾  
沙坑洋灞頭前洋街通江橋等名武林門外有江漲橋  
潮王廟舊與江通可知宋許彥國晚宿江漲橋詩云鳥

徑青山外人家苦竹邊江城懸夜鎖魚市散空船岼靜  
涵秋月林昏宿水烟又尋僧榻卧夜冷欲無眠

仁和縣志秦以前杭城內外皆海之溢流所及是以衆  
安橋西北挽進路澄清坊即古之前洋街稍北往西純  
禮坊即古之後洋街其西湖普通海故秦始皇嘗繫纜  
于湖濱之巨石即今之大佛頭也今之小北門即宋之  
天宗水門其門外大河古謂之泛洋湖正德年間其居  
民啓土掘出一大船乃是泛海之舟規制甚異艮山門

外其地謂之沙田蓋以海沙之所漲也武林門外亦是海水所及故一則曰江漲務二則曰江漲橋北新橋往北近曰三里洋遠曰十里洋由是觀之乃知杭城悉是海水所溢井水味鹹不堪汲飲自李鄴侯鑿六井以引西湖之水民始便焉故杭人至今祠之

春渚紀聞蘇軾元祐四年出典餘杭時水官侯臨亦繼出守上饒過郡以嘗渡江敗舟於浮山遂畫回江之利以獻公相視其宜一自富陽新橋港至小嶺開鑿以通

閑林港或費用不給則置山不鑿而令往來之舟搬運  
度嶺由餘橋女兒橋港至郡北關江漲橋以通運河一  
自龍山閘而出循江道過六和寺由南蕩朱橋港開石  
門平田至廟山然後復出江道二十里云



海塘錄卷二十六